

Upis polaznika programa prekvalifikacije za zanimanje operater na CNC mašinama, armirač – betonirac i tesar – krovopokrivač u školskoj 2022/2023. godini

Projekat „iSK0raK“ – Partnerstvo za nova radna mjesta, provodi se u okviru projekta “Podrška Evropske unije lokalnim partnerstvima za zapošljavanje u Bosni i Hercegovini Faza II” (LEP II), implementira Međunarodna organizacija rada (MOR), a finansira EU.

Projekat je usmjeren na kreiranje seta aktivnosti koji će svojom uspješnom realizacijom direktno utjecati na smanjenje broja nezaposlenih na evidenciji Službe za zapošljavanje ZDK (SZZ ZDK). Ovo će se postići kroz uspostavljene programe prekvalifikacije u svrhu povećanja zapošljavanja mladih, stručno osposobljenih ljudi iz teško zapošljivih kategorija, koji će odgovoriti na potrebe tržišta rada na području Grada Zenice i Općine Breza.

Ovim projektom planirano je da se kontinuirano povećava broj mladih, stručno osposobljenih ljudi iz teško zapošljivih kategorija koji će odgovoriti na potrebe tržišta rada na području LPZ-a.

Pored ovoga, bit će stimulisan razvoj i registracija novih biznisa, posebno deficitarnih i inovativnih djelatnosti u Gradu Zenica i Općini Breza.

Nosilac projekta je Grad Zenica, a partneri na projektu su: Zenička razvoja agencija ZEDA d.o.o., Služba za zapošljavanje

Zeničko-dobojskog kantona, JU Srednja mješovita škola „MLADOST“ Zenica, JU Mješovita srednja industrijska škola Zenica, Omladinsko udruženje „REAKTIVIRAJ“ (REAKTIV), Općina Breza, Orlando-Samel-Namještaj doo Zenica, Boha d.o.o Zenica, Bega-komerc d.o.o. Zenica, Braća Karić d.o.o. Zenica te AREL d.o.o. Zenica.

U okviru projekta JU Mješovita srednja industrijska škola Zenica raspisuje Konkurs za upis polaznika programa prekvalifikacije za zanimanje operater na CNC mašinama u školskoj 2022/2023. godini, dok JU Srednja mješovita škola „Mladost“ Zenica raspisuje za upis polaznika programa prekvalifikacije za zanimanje armirač – betonirac i tesar – krovopokrivač u školskoj 2022/2023. godini. PRIJAVI SE ODMAH: KONKURS za upis polaznika programa prekvalifikacije za zanimanje operater na CNC mašinama u školskoj 2022/2023. godini, KONKURS za upis polaznika programa prekvalifikacije za zanimanje armirač – betonirac i tesar – krovopokrivač u školskoj 2022/2023. godini

K O N K U R S za upis polaznika programa prekvalifikacije za zanimanje operater na CNC mašinama u školskoj 2022/2023. godini

JU Mješovita srednja industrijska škola raspisuje konkurs za upis polaznika u školskoj 2022/2023. godini kako slijedi: Operater na CNC mašinama -20 polaznika. Izvođenje programa

prekvalifikacije traje od 09.01. 2023.godine do 06.09.2023. godine. Stručno-teoretski dio programa realizirat će se u školi, a praktični dio u pogonima privrednih subjekata partnera u projektu isKORak. Program prekvalifikacije za polaznike je besplatan, a finansira ga Evropska unija i MOR, kroz LEP II projekat, koji podržavaju dalji razvoj lokalnih partnerstava za zapošljavanje koja su posvećena zapošljavanju i socijalnoj koheziji u Bosni i Hercegovini. Polazniku programa prekvalifikacije, po završetku programa izdaje se diploma o završnom ispitu i stiče zanimanje operater na CNC mašinama. JU Mješovita srednja industrijska škola je registrovana ustanova za obrazovanje odraslih u skladu sa Rješenjem broj: 043-0-RegZ-17-003399. JU Mješovitoj srednjoj industrijskoj školi Zenica je odobreno obrazovanje odraslih za gore navedeno zanimanje Rješenjima o reverifikaciji uvjeta rada i programa Ministarstva za obrazovanje, nauku, kulturu i sport ZDK. Izvođenje formalnog programa obrazovanja odraslih za zanimanje operater na CNC mašinama odobren od strane Ministarstva za obrazovanje, nauku, kulturu i sport ZDK Rješenjem broj 10-34-368-067-01/22 od 15.08.2022.godine. **Na konkurs se mogu prijaviti osobe starije od 18 godina sa završenom srednjom školom, a da nemaju status učenika ili studenta i da su prijavljeni u evidenciji Službe za zapošljavanje ZDK.** Uz zahtjev za upis, koji preuzimaju u školi, polaznici su dužni dostaviti sljedeću dokumentaciju (original ili ovjerenu kopiju): Izvod iz matične knjige rođenih, Svjedočanstva o završenim razredima srednje škole. **Konkurs ostaje otvoren 15 dana od dana objavljivanja.** Za sve dodatne informacije možete nas kontaktirati: Telefoni:032 460-379, 032 460-381, 032 460-383, ili lično u školi na adresi Bulevar kralja Tvrtka I broj 11, 72000 Zenica ili e-mail: indskola1@gmail.com

K O N K U R S za upis polaznika programa prekvalifikacije za zanimanje armirač – betonirac i tesar – krovopokrivač u školskoj 2022/2023. godini

Na osnovu člana 24. stav (2) Zakona o obrazovanju odraslih (''Službene novine ZDK'', broj: 5/2014 i 13/2018) JU Srednja mješovita škola „Mladost“ Zenica raspisuje K O N K U R S za upis polaznika programa prekvalifikacije za zanimanje armirač – betonirac i tesar – krovopokrivač u školskoj 2022/2023. godini. JU Srednja mješovita škola „Mladost“ Zenica raspisuje konkurs za upis polaznika u školskoj 2022/2023. godini kako slijedi: Armirač – betonirac -20 polaznika; Tesar – krovopokrivač -20 polaznika. Izvođenje programa prekvalifikacije traje od 09.01. 2023.godine do 06.09.2023. godine. Stručno-teoretski dio programa realizirat će se u školi, a praktični dio u pogonima privrednih subjekata partnera u projektu isKORak.

Program prekvalifikacije za polaznike je besplatan, a finansira ga Evropska unija i MOR, kroz LEP II projekat, koji podržavaju dalji razvoj lokalnih partnerstava za zapošljavanje koja su posvećena zapošljavanju i socijalnoj koheziji u Bosni i Hercegovini. Polazniku programa prekvalifikacije, po završetku programa izdaje se diploma o završnom ispitu i stiče odgovarajuće zanimanje. JU Srednja mješovita škola „Mladost“ Zenica je registrovana ustanova za obrazovanje odraslih u

skladu sa Rješenjem broj: 043-0-RegZ-22-000969. JU Srednjoj mješovitoj školi „Mladost“ Zenica je odobreno obrazovanje odraslih za gore navedena zanimanja Rješenjima o reverifikaciji uvjeta rada i programa Ministarstva za obrazovanje, nauku, kulturu i sport ZDK. Izvođenje formalnog programa obrazovanja odraslih za zanimanje: Armirač – betonirac odobren od strane Ministarstva za obrazovanje, nauku, kulturu i sport ZDK Rješenjem broj 10-34-7101-065-01/22 od 10.06.2022.godine i Tesar – krovopokrivač odobren od strane Ministarstva za obrazovanje, nauku, kulturu i sport ZDK Rješenjem broj 10-34-7101-065-02/22 od 10.06.2022.godine. Na konkurs se mogu prijaviti osobe starije od 18 godina sa završenom srednjom školom, a da nemaju status učenika ili studenta i da su prijavljeni u evidenciji Službe za zapošljavanje ZDK. Uz zahtjev za upis, koj preuzimaju u školi, polaznici su dužni dostaviti sljedeću dokumentaciju (original ili ovjerenu kopiju): Izvod iz matične knjige rođenih, Svjedočanstva o završenim razredima za prekvalifikaciju i dokvalifikaciju. Konkurs ostaje otvoren 15 dana od dana objavljivanja. Za sve dodatne informacije možete nas kontaktirati: Telefoni:032 460-577, 032 460-575, ili lično u školi na adresi Bilimišće 69, 72000 Zenica ili e-mail: szskola@bih.net.ba